

FLOREAN DAL PALAZZ

Al salto fur la Joibe - Ogni doi numars 6 centesims l'un - Bez subit

Si vendin la vie da l'Edicola e dal principai Tabachins dal centro e la vie di sior Luigi Ferri.

Abonaments par l'interno un An quatri francs: mes doi francs par l'esterò il dopli.

Inserzioms: intindisi cu l'Amministrazion. Munda i bez cun letare raccomandade o in vaglia postal al sempis indirizz: — Amministrazion dal Florean dal Palazz, Udin.

Venturin a Florean

O hai ricevut cheste letare dal miò ami e coleghe Venturin e la publichi ben vultintir:

Ciar Florean!

O ti scriv ben meraveat e par che subit tu smentissis lis vos infamans che corin da qualchi di a miò riguard.

Figuriti! E han vut il coragio di meti in zir la vos, nujemanco, che jo ti abandoni, o mi separi di te, o ti lassi parèche no voi plui d'acordo cun te, o soi in colare e altris invenzioms di chest genar, abastanze ciativis.

Tu us immaghiati se jè nance bisugne di di che chestis e son calunis e nuje altri che calunis! Jo abandonà il miò ami, indivisibil amirat e respetat, Florean dal Palazz?

E duncè, dopo tang centenars di agns di inalterabil amicizie, di continue vicinanze, senze che mai e vessin vut il plui pizzul mutiv di discordie, cumò o varèss di fa chell tant, di rompi cioè il vincu indissolubil che nus lee e nus leará par simpri, in secula seculorum?

No, no, e soi bausis, ma grandis bausis, che i birbans, lis malis lenghis, i farabus, i laris plui voltis bolas dai Tribunal, e met'n fur par semenà la zizzanie, la discordie, par procurà di disgiungi chell che al è impossibil di sciolzi e che no si sciolzarà mai plui.

Che se si trate di un altri Venturin, nol po jessi che un Venturin fals, inventat e fabricat da chei che han interess di fabricalu e falsificalu, e no mi doi nissune maravee de possi-

bilitat di cheste ci esse, parèche un che al è stat bon di robà al po jessi facilmentri capaz di falsificà.

Ma Venturin Meyer, Venturin ami, costant indissolubil di Florean dal Palazz, nol podarà mai fa aliancez cui bricons, cui birbans, cui laris, bolas plui voltis dai Tribunal; Venturin al è un galantemp e nol podarà jessi che l'ami eterno di Florean dal Palazz.

Par te, o lu sai, che no tu has mai dubitat un moment di me, no jere bisugne di cheste declarazion, ma hai olut fale e esplicitamentri fale par chei tai, ignorans o iludus, che vessin podut suponi une tal enormitat, par no di bestialitat.

Ti saludi, ciar il miò Florean, e ul simpri ben al to inseparabil

VENTURIN

Florean a S. Spirit

Il di de distribuzion dai premis, tes scuells dal Patronato, s'ar Zuana l'ha invidat S. E. l'Arcivescul e il R. Provèditor, i qual, non cognossind oe qualitat di prestigiator che al sei costui, e varàn vude une buine impression. Parè m'q il R. Provèditor no fasial invece qualchi visite a ches scuells dai fies dal popul? Oh se l'aves fate une visite ai libris; o eseguli une detature, un compit, un probleme, ce biel fiasco che al sares risultat! E infati ogni an i frutas, che da S. Spirit e passin a lis comunals e devin piardi une e dos anadis. E come poderessial succedì diviarsamentri? Sar-

Zuan, dopo aviert il Colegio, l'è dut ocupat pe cusine, pes visitis e a gioldi scrajat la so famose pipe. E qualchidun dirà: E cui dirès e sorveglià lis scuels dal popul? E son propri sot il plen artiri de un cert Sior U....., a qual, apena butad vie la veste di clerico tes scuels ginasial, priv di cognizions diatichis e perfin de un esam inferior, l'è staa destinad a direi 300 e plui alunos cun dug i mestris, e cussì a casacio l'ordine al fà e al brighe.

Se anca po al ves cognizions par direzi, i mandares il timp, parceche costui l'è anca mitut a capo de sorveglianze e direzion de stamperia, de librarie, de corrispondenze, pretendind di sei in dutt perfet. Che i benefactors e pensin ben, prima di slargia la man, di tutela miei il ben dai puars fis dal popul!!!

Storielis di Florean

Al è un marangonut che al ul fa anemò il galant. E si pardie i sessante nol devi spietatu plui.

Quand che al viod que bieie femenute al va dutt in gringule, in brud di violis, al par che l'arint viv al si impadronissi di lui. E par dassi coraggio al bev qualchi tazze di plui, e alore al olante piezz di opare, al bale, al salte, al fas mil matezz.

Par esempi, zà timp, in t' une sagre al jere in t' une ostarie, dula che sunavin l'armoniche e il liron e dula che balavin fantazz e fantatis, e lui, senza ciapiell sul cuf, sol al ti zirave cun ches giambutis, intor, intor, e sicome al veve bevut plui di qualchi tazze, al leve petant di cà e di là, tal mur e tes personis senza bada a nuje.

Par ciapassi po intor, onde no colà par tiare, al meteve lis mans su ches robis tarondæ, sun ches prominenzis che han lis feminis denant e daur, e se qualchidune si lagnave, lui al veve prontè la scuse che te confusion, tal ball nol saveve di ve mitut lis mans su la robe proibide.

A qualchidun i vignive la mos-cie al nàs, al safà stat qualchi moros des tociadis, e se nol jere qualchi ami dal marangonut, al podeve sucedi alc di serio. E di a cussì che chest omenut al è dute religion, dute glesie, dutt santissim sacrament, e al va anca tes puitsions cun tant di ciandelott in man!

Ah busarone e jè ore di finile, ninin miò, no

sin plui tant frutàs, bisugne fa judizi sul serio, aass di bande lis cotolutis e dassi completament a Dio e a la Madone. Ben se al ul lè in paradìs biei ciald!

Leterature di Florean

Il Golòs.

Al pont di matutin

E batin al porton...

Sior Zuan al va al balcon:

Cui jè? — L'è un berechin. —

Ce us duellial? Ce isal stat? —

Lustrissim miò paron,

Gran bieie novitat!

Al è rivat il ton,

E sul cianton di piazze

E jè une gialinazze —

Buine ste novitat!

O ti resti obleat.

Cio, ciapè in tal ciapiel...

L'è un trentecino par te;

Capare cheste e chel

E spietimi al caffè. —

Sior Zuan si viest in presse,

E intant al dis tra sè:

Uè mangiarai di re:

Seben ch'è un antigae,

E son ris cu la quae,

Pò une potente lesse,

E ton in te padiele,

E ton su la gridele,

La gialinazze roste...

Qualchi altri plat golòs.

A mangià ben al coste,

E come me an d'è pòs

Che spindin tant t'un an. —

Cun chesg pinsirs sior Zuan

Al capite al caffè...

Ma il berechin no l'è,

Nè l'è mo nance stat.

Sior Zuan infuriat

Al va di tire in piazze.

No'l viod la gialinazze! —

Cui la po vè comprade?

No me varess spietade. —

Nissun cuete nè crùde

Ca no l'ha ciart vidude,

Rispuind la baronie.

Sarà avolade vie. —

Sior Zuan al volte strade,

E tanche une clapade

Al rive in pes-ciarie...

Nol viod nè lamp nè ton

E al scusse un corponon.

Pronte la baronie,

Lustrissim s' insumie!

No ton ma nance vrie. —
 Sior Zuan si mett a cori
 Risolt di là a ricori —
 La giallinazze... il ton...
 Uei vè sodisfazion.
 In chest mud no si trate...
 Ste volte no la suje... —
 Ma sael mo cui e ha fate? —
 Chest no l'impuarte nuje,
 Parchè che in fin dai cons
 Hai i testimonis prons —

Da la Zae di Florean

O ricev e o publichi:

Lis tre Vacis e lis mil Liris.

Tu has di savè che a S. Spirit il stôr diretor pre Zuan al ha tre bielis vacis in campagne. Un bon catolich che al impreste bez e che al è am dal predi, al desiderave di podè ciapalis cu lis solitis santis manierutis. Uhe di i ocorevin a pre Zuan mil liris e subit, am come al è di cheil catolich, i dis, fari un plasè imprestimi mil liris par un afar? Oj jo non d'hai! Ti prei ciar am si trate di vot diis. Ben ben se tu mi dâs in pen lis tos tre bielis bestiutis. Po, ben; jò sì, ma ricuarditi che se entri dis o dodis diis o no tu mes restituissis, lis vacis son mès.

Infatti passin i dodis diis; e intant il furbo di predi al vise il so prefet, tu diras, che son vindudis par.... ma silenzio. Il bon catolich al si presente al prefet; e i diis, dulà isal pre Zuan? Al è fur di Udin. Eco la letare. Vâ ben, ma al ha di savè che lis vacis son stadis vindudis! Come, se al ha un impegno cun me? Ma al ha ciapat mil e duzinte liris, e lui lis ha vindudis. Jo i vares dat anco mil e cent, il furbo! E ben se al cred jo o procurarai di fa che il contrat i passi tes sos mans, parcechè al è un contadin che nus ul ben, e sicome jè al è nestri benefator, cussì e vedarin di fa stornâ l'afar. E subit il catolich i da cent lirus e alore content tal indoman lis vacis forin consegnadis, e il furbo di pre Zuan, al ciapà cent liris. La vipere invece di muardi il ciarlantan, pardie, che il ciarlantan la sa punile. Cussì, vâ ben. Bravo pre Zuan.

★

O ricev e o publichi:

« Ce ti parial Florean da l'afar da l'aghe di Zompitte che i proprietaris des ciasis son disponus

a sobarcasi cheil pês che la Comune e vève progettât? E si l'aghe e jè necessarie! Che la Comune si sobarchi cheil pês. Ance un altre robe o hai di diti Florean. Zâ vœ o no vœ il publich pajarà istess. Zâ timp o sentivi a di che la Provincie e vève mandat a rilevâ la piante dal Palaz Cernazai cu l'idee di aquistalu par l'us dal Prefet, ma dopo no si dis nuje, anzi hai sintut che un i ha fate domande a un; no sai se Deputat o Conseir Provincial. Cheil i rispuind che han pensat altrimentri: a diti il ver, e han lasat sciampâ l'acquist dal Palazz Belgrad; e si doveve aquistalu parcechè al jere adatât, forsi l'unich, e come Palazz storich senza la indevant plui, e ance lassâ sciampâ anco cheil di Cernazai, e si al sares adatât, o sôt persuadut che se invece di mandâ un Inzegnir a fa il Tipo fos lade la Deputazion e invadat il Prefett e vares dat il sò vot, e quand che si ves unit il Conseir Provincial forsi vares aderit, si trate di un local par l'alugio dal Prefett plui decoros e arios che no dula che si ten in aft, la spese no mandares in malore la Provincie, e tantis spesis si podares sospendi come che di mandâ animai par l'incrocio che cumò an d'è abastanze, e cussì altris spesis di luss; baste viodi ce tant che han spindut pal local de Provincie!

Osservistu ciar Florean quand che al ha di jessi Consei ce andirivieni che al è al caffè gnuv di Deputas e Conseirs e ce importance che si dan, par che disin? e sin ca nò!

Chestis son lis mes ideis, dis al anco tu se tu ses persuadut di fâti intindi di cheil conseirs.

★

E pario ciossis incredibilis tal an 1885 e pur si dann. E son doi di lor che fasin l'amor, ma i paring di je no son nuje afât contens dal partit che si presente pe lor frutate. E jè vere che podarès viodi une bieie zornade se noi pluv, ma no credin oportun di stâl a spiêt.

Sichè come si fas? Come si fas? E han tentat dugg i miezz, bogns e ciativs e no zovave nuje a sciolti chest legam. Caponè i ven lor sugerit un rimiedi infalibil. E cioè di illuminâ la Madone e preale che je e ueli fa in maniere che l'amor de lor fie al vadi al nuje.

Mi assicurin che l'illuminazion e la preere e ha vut il so efet e che cumò il frutat al seugne contentassi di fa qualchi serenade sott i balconi de so bieie. Che bon pro i fasi!

Mi scrivin:

« Sint Florean, tu che tu ses prasint da par
dai, in cil, in tiare e in ogni lûg, parcè no ti
fermistu sott la logie dal palazz la joibe e tirati
vicin ai sunadors de nestre bande, no par sinti
a sunà, mà par dai une olmade ai feral che i
dan lusor ai liturius?

Jo o dis che jè vergognose presentasi a un
publich in une citat come la nestre cun chei
biel mobil!

« Senze lastris la gran part,

A plu di une mance un quart,

Quatri i mance a un sel feral,

Che se guai un temporâl,

In un moment fal distudas,

Sul plu biel colbat i plas,

O cal suni il tamburon,

Lui fares la fur di ton,

E in dug di un dè, di un fa,

Di un s, di un r, di un d, di un t,

Salta fur up mi bemol,

O une note in clavi di sol,

Podares mandate dune a un,

Plu di qualchedun cal suna,

E fa massi confusion.

Dand la colpe al bombardon,

E al puar sunador,

Cal restà senze lusor,

E che la cause principal

Fo la rotura dal feral. »

Anin indenant. E son tant poeis lis lastris in-
teris che restin di chesg puars feral (o dis puars
parcè che nissun ten cont di lor) che ance chês
son sporcis e plenis di polvar come che fossin
stas in un cianton di quatchi sofite, e dal moment
tiras fur par l'ocasion. E s'intind che par la ma-
nutenzion dal mobiglio si mantien une famée a
puêste, e in dola che ogni an vadin fur de casse
Comunal pal cuarp de musiche diviars miars di
frances!

O vares materie ancemò di podè discori su
l'argoment, ma par uè o fas pundo, e intant ciar
Florean ti racomandi di dai ancc tu une ociade.

« Consumatum est » Ance la bighe dal President
di Puscuell e jè lade dal dût. Mieze e jè vevin
mangiade prime, che altre mieze le han consu-
made la setemane passade.

Oh si trate di cugneris di noje, un al ha vut
un litro di setante e chei altris si son mangias

insieme tre frances e centesius il dût giavat cu
la vendite de mieze bighe che jere restade.

E camò si po propri di che il President di
Puscuell al è senze la so bighe!

Mi scriv il magiordomo o ajutant di Giulio
Cesare, meraveansi cun me che no hai aunziat
come qualmentri diviars, che vevin fatt tant pe
patrie dal 48, finore no vessin otignut mai la
pension, che lui d'acordo cun Giulio Cesare i fase
vess chesg punds di la desiderade pension
cun dugg i aretras.

Jo no hai naje in contrari, anzi mi consoli a
savè che la vignude di Giulio Cesare e vevi
puartàs tang benefizis; soltant o osservi che il
pes-ciador al spiete ancemò di jessi esentat dal
dazi dal pesc, come che i jere replicatamentri
promitat. Ance Giulio Cesare al doveress savè che
ogni promesse al è debit.

Epigrams di Florean

La gloria e onor dal professor Mastie

Di metti un puls tal ciav,
Cun tatiche spartane,
Nissun sa miôr di lui,
S' al naas po' battabui,
Di giavasse e romane
Nissun di lui plu brav!

Come la ciacare
Di done Bette,
In dût petegule
La so gazette,
Come lenghe che sei triste e plebee,
Sol peraulis e ha, nissune idee!

La Pagnoche quotidiana

Une cubie di mal intindus,
Al servizi di dugg i partis,
Cun l'astuzie serciand dugg i mûs,
Pur il popul di vè sott i opis,
Nel Friuli, *La Pagnoche* giornâl,
Al è il spirt de imposture e dal mal!

Berlitiche

(che a plu di qualchidun farà balà la stiche)

VINCENZO LUCCARDI, *Director responsabil*

Stamparis Jacob e Colmègne.